

## REGLUGERÐ

**um (6.) breytingu á reglugerð nr. 831/2014 um gildistöku reglugerðar framkvæmdastjórnarinnar (ESB) nr. 605/2010 um skilyrði varðandi heilbrigði dýra og manna og varðandi heilbrigðisvottorð fyrir dýr og dýraafurðir vegna aðflutnings til Evrópusambandsins á hrámjólk og mjólkurafurðum til manneldis.**

1. gr.

9. töluliður 1. gr. reglugerðarinnar verður svohljóðandi:

9. Framkvæmdarreglugerð framkvæmdastjórnarinnar (ESB) 2020/2207 frá 22. desember 2020 um breytingu á I. viðauka við reglugerð (ESB) nr. 605/2010 að því er varðar færslurnar fyrir Breska konungsríkið og hjálendur krúnunnar í skránni yfir þriðju lönd eða hluta þeirra þáðan sem leyfður er aðflutningur á hrámjólk, mjólkurafurðum, broddi og afurðum, að stofni til úr broddi, sem ætluð eru til manneldis, til Sambandsins.

2. gr.

Framkvæmdarreglugerð framkvæmdastjórnarinnar (ESB) 2020/2207, sem nefnd er í 1. gr., er birt sem fylgiskjal við reglugerð þessa.

3. gr.

Reglugerð þessi er sett með heimild í 31. gr. a laga nr. 93/1995, um matvæli, með síðari breytingum. Reglugerðin öðlast þegar gildi og á sama tíma fellur brott reglugerð nr. 1335/2019 um (5.) breytingu á reglugerð nr. 831/2014.

*Atvinnuvega- og nýsköpunarráðuneytinu, 7. janúar 2021.*

**Kristján Þór Júlíusson**  
sjávarútvegs- og landbúnaðarráðherra.

*Iðunn Guðjónsdóttir.*

**Fylgiskjal.****FRAMKVÆMDARREGLUGERÐ FRAMKVÆMDASTJÓRNARINNAR (ESB) 2020/2207**

frá 22. desember 2020

**um breytingu á I. viðauka við reglugerð (ESB) nr. 605/2010 að því er varðar færslurnar fyrir Breska konungsríkið og hjálendur krúnunnar í skránni yfir þriðju lönd eða hluta þeirra þaðan sem leyfður er aðflutningur á hrámjólk, mjólkurafurðum, broddi og afurðum, að stofni til úr broddi, sem ætluð eru til mannelis, til Sambandsins**

**(Texti sem varðar EES)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2002/99/EB frá 16. desember 2002 um heilbrigðisreglur um framleiðslu, vinnslu, dreifingu og aðflutning á afurðum úr dýraríkinu til mannelis <sup>(1)</sup>, einkum 8. gr. (inngangsorð), 8. gr. (fyrsta undirgrein 1. liðar og 4. liður) og 9. gr. (4. mgr.),

og að teknu tilliti til eftirfarandi:

- 1) Í reglugerð framkvæmdastjórnarinnar (ESB) nr. 605/2010 <sup>(2)</sup> er mælt fyrir um skilyrði varðandi heilbrigði manna og dýra og kröfur vegna útgáfu vottorða í tengslum við aðflutning til Sambandsins á sendingum af hrámjólk, mjólkurafurðum, broddi og afurðum, að stofni til úr broddi, sem eru ætluð til mannelis og sett fram skrá yfir þriðju lönd eða hluta þeirra þaðan sem aðflutningur til Sambandsins á slíkum sendingum er heimilaður. Nánar tiltekið eru í I. viðauka við reglugerð (ESB) nr. 605/2010 talin upp þau þriðju lönd og hlutar þeirra þaðan sem leyfður er aðflutningur á sendingum af hrámjólk, mjólkurafurðum, broddi og afurðum, að stofni til úr broddi, sem eru ætluð til mannelis, til Sambandsins.
- 2) Breska konungsríkið hefur lagt fram nauðsynlegar ábyrgðir, sem krafist er samkvæmt reglugerð (ESB) nr. 605/2010, til þess að Breska konungsríkið og hjálendur krúnunnar Guernsey, Mön og Jersey verði færð á skrá í I. viðauka við þá reglugerð eftir að aðlögunartímabilinu, sem kveðið er á um í samningnum um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu („útgöngusamningurinn“), lýkur, með fyrirvara um beitingu laga Sambandsins um og innan Breska konungsríkisins að því er varðar Norður-Írland, í samræmi við 4. mgr. 5. gr. bókunarinnar um Írland/Norður-Írland við útgöngusamninginn, í tengslum við 2. viðauka við þá bókun.
- 3) Að teknu tilliti til þeirra ábyrgða sem Breska konungsríkið lét í té ætti að færa viðkomandi þriðja land og hjálendur krúnunnar á skrá í I. viðauka við reglugerð (ESB) nr. 605/2010.
- 4) Því ætti að breyta I. viðauka við reglugerð (ESB) nr. 605/2010 til samræmis við það.
- 5) Þar eð aðlögunartímabilinu, sem kveðið er á um í útgöngusamningnum, lýkur 31. desember 2020 ætti þessi reglugerð að koma til framkvæmda frá og með 1. janúar 2021.
- 6) Ráðstafanir, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

1. gr.

Ákvæðum I. viðauka við reglugerð (ESB) nr. 605/2010 er breytt í samræmi við textann í viðaukanum við þessa reglugerð.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Hún kemur til framkvæmda frá og með 1. janúar 2021.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 22. desember 2020.

*Fyrir hönd framkvæmdastjórnarinnar,**forseti.*

Ursula VON DER LEYEN

<sup>(1)</sup> Stjtið. EB L 18, 23.1.2003, bls. 11.<sup>(2)</sup> Reglugerð framkvæmdastjórnarinnar (ESB) nr. 605/2010 frá 2. júlí 2010 um skilyrði varðandi heilbrigði dýra og manna og varðandi heilbrigðisvottorð fyrir dýr og dýraafurðir vegna aðflutnings til Evrópusambandsins á hrámjólk og mjólkurafurðum til mannelis (Stjtið. ESB L 175, 10.7.2010, bls. 1).

## VIÐAUKI

Ákvæðum I. viðauka við reglugerð (ESB) nr. 605/2010 er breytt sem hér segir:

1) Eftirfarandi færslum fyrir Breska konungsríkið og Guernsey er bætt við á eftir færslunni fyrir Eþíópíu:

„GB	Breska konungsríkið <sup>(*)</sup>	+	+	+
GG	Guernsey	+	+	+

<sup>(\*)</sup> Í samræmi við samninginn um útgöngu Sameinaða konungsríkisins Stóra-Bretlands og Norður-Írlands úr Evrópusambandinu og Kjarnorkubandalagi Evrópu, einkum 4. mgr. 5. gr. bókunarinnar um Írland/Norður-Írland í tengslum við 2. viðauka við þá bókun, taka vísanir til Breska konungsríkisins, að því er þennan viðauka varðar, ekki til Norður-Írlands.“

2) Eftirfarandi færslu fyrir Mön er bætt við á eftir færslunni fyrir Ísrael:

„IM	Mön	+	+	+“
-----	-----	---	---	----

3) Eftirfarandi færslu fyrir Jersey er bætt við á eftir færslunni fyrir Ísland:

„JE	Jersey	+	+	+“
-----	--------	---	---	----